

Na sala de comisións “Concepción Arenal” do pazo Parlamento de Galicia reúnese a Comisión 1ª, Institucional, de Administración Xeral, Xustiza e Interior, o día 28 de febreiro de 2025, ás 10:30 horas, logo da convocatoria remitida para o efecto.

Asisten as persoas que se relacionan a seguir:

Mesa:

Julio García Comesaña
(Presidente)
Roberto Rodríguez Martínez
(Vicepresidente)
Paloma Castro Rey
(Secretaria)

Vogais:

Grupo Parlamentario Popular de Galicia (P):

Argimiro Marnotes Fernández
José Manuel Mato Díaz
(en substitución de María Felisa Rodríguez Carrera)
Paula Mouzo Mas
José Alberto Pazos Couñago
Carmen María Pomar Tojo
Paula Prado del Río
Katherinie Varela Fernández

Grupo Parlamentario do Bloque Nacionalista Galego (BNG):

Daniel Castro García
(en substitución de Iria Taibo Corsanego)
María Cristina Fernández Davila
Óscar Insua Lema
Brais Ruanova Vilas-Boas
(en substitución de Iago Suárez Fernández)
Iago Tabarés Pérez-Piñeiro

Grupo Parlamentario dos Socialistas de Galicia (S):

Lara Méndez López
(en substitución de Patricia Iglesias Rey)

Grupo Parlamentario Mixto (M):

Armando Ojea Bouzo

Outros intervenientes:

Raquel Arias Rodríguez
Silvia Longueira Castro
Olalla Rodil Fernández

Letradas:

Purificación López Gómez
Raquel Rodríguez Carro



O presidente abre a sesión e rógalle á secretaria que lle dea lectura á relación de membros titulares da Comisión para os efectos de comprobar a existencia de quórum de constitución. Logo da constatación deste, a secretaria ocupa un escano co seu Grupo Parlamentario, de acordo co disposto no artigo 82 do RPG, e éntrase no desenvolvemento da orde do día obxecto desta sesión.

Punto 1.- Propositions non de lei

1.1 17720 (12/PNC-001649)

Grupo Parlamentario do Bloque Nacionalista Galego

Insua Lema, Óscar e 2 máis

Sobre as medidas que debe adoptar a Xunta de Galicia co obxecto de abordar o reto demográfico e mellorar o sistema de financiamento dos concellos

Publicación da iniciativa, BOPG n.º 147f2, do 29.01.2025

A Presidencia concédelle a palabra ao **señora Insua Lema, Óscar (BNG)**, que procede á defensa da proposta expresándose en termos semellantes aos que aparecen por escrito e que están publicados no Boletín Oficial do Parlamento.

A esta proposición non de lei non se presentaron emendas, polo que, aberta a rolda de grupos parlamentarios pola Presidencia, intervéñen en primeiro lugar a **señora Méndez López, Lara (S)**, para xustificar o apoio do seu grupo parlamentario á mesma.

Nesta mesma rolda intervéñen o **señor Marnotes Fernández, Argimiro (P)**, quen, logo de matizar moitas das afirmacións realizadas polos voceiros que o precederon no uso da palabra, motiva o rexeitamento do seu grupo á proposta de referencia.

O **señor Insua Lema, Óscar (BNG)**, fai uso da rolda de puntualizacións para agradecer o apoio anunciado polo grupo da oposición, logo de amosar a súa discrepancia cos argumentos expostos polo portavoz do grupo maioritario.

1.2 18442 (12/PNC-001696)

Grupo Parlamentario dos Socialistas de Galicia

Castro Rey, Paloma e Iglesias Rey, Patricia

Sobre a demanda dirixida á Xunta de Galicia co fin de que colabore co Concello de Ribadumia para construír ou acondicionar un local que albergue a sede de Protección Civil deste concello

Publicación da iniciativa, BOPG n.º 153f1, do 06.02.2025

A **señora Castro Rey, Paloma (S)**, procede á formulación e defensa desta iniciativa de impulso con ampliación das argumentacións que dela se fan por escrito e que aparecen publicadas no Boletín Oficial do Parlamento de Galicia.



A esta proposición non de lei non se presentaron emendas, polo que, aberta a rolda de grupos parlamentarios pola Presidencia, intervén en primeiro lugar a **señora Fernández Davila, María Cristina (BNG)**, quen, logo de expoñer as súas argumentacións a respecto da proposta formulada, anuncia o voto favorable do seu grupo á mesma.

En segundo lugar intervén a **señora Mouzo Mas, Paula (P)**, para xustificar as razóns polas que o seu grupo non vai apoiar esta iniciativa de impulso ao Goberno.

Na rolda de puntualizacións a **señora Castro Rey, Paloma (S)**, comenta as anteriores intervencións, agradece o apoio do grupo da oposición e lamenta o posicionamento do grupo maioritario.

1.3 19019 (12/PNC-001743)
Grupo Parlamentario Popular de Galicia
Prado del Río, Paula e 8 máis
Sobre a demanda dirixida ao Goberno galego co obxecto de que o
Instituto de Medicina Legal de Galicia asine convenios de colaboración
coas facultades e escolas galegas que corresponda para poder recibir
alumnado en prácticas
Publicación da iniciativa, BOPG n.º 156f2, do 12.02.2025

A Presidencia, previamente, comunica que a esta proposición non de lei presentáronse dúas emendas, unha de adición dun novo parágrafo por parte do G.P. dos Socialistas de Galicia (doc. núm. 20969) e outra de substitución por parte do G.P. do Bloque Nacionalista Galego (doc. núm. 20980), das que obvia a súa lectura dado que se repartiu copia aos distintos portavoces. (*Achégase a esta acta como anexo copias dos citados documentos*).

A **señora Varela Fernández, Katherinie (P)**, dá conta das razóns que levaron ao seu grupo á presentación desta iniciativa, expresándose en termos semellantes aos que aparecen publicados por escrito no Boletín Oficial do Parlamento.

Na rolda de grupos parlamentarios emendantes, interveñen a **señora Castro Rey, Paloma (S)**, e o **señor Tabarés Pérez-Piñeiro, Iago (BNG)**, quen, logo de expoñer as súas argumentacións a respecto da proposta formulada, defenden as súas respectivas emendas.

Na rolda de puntualizacións e posicionamento sobre as emendas defendidas, a **señora Varela Fernández, Katherinie (P)**, tras manifestar diversas consideracións a respecto das anteriores intervencións, expón as razóns polas que acepta a emenda de adición do G.P. dos Socialistas de Galicia e, pola contra, non acepta a emenda de substitución do G.P. do Bloque Nacionalista Galego.

1.4 19475 (12/PNC-001792)
Grupo Parlamentario do Bloque Nacionalista Galego
Tabarés Pérez-Piñeiro, Iago e Insua Lema, Óscar
Sobre as medidas que debe adoptar o Goberno galego en relación coa
cobertura dos gastos relacionados coa asistencia xurídica gratuíta
Publicación da iniciativa, BOPG n.º 156f2, do 12.02.2025

O **señor Tabarés Pérez-Piñeiro, Iago (BNG)**, procede á defensa da iniciativa expresándose en termos semellantes aos que aparecen por escrito e que están publicados no Boletín Oficial do Parlamento.

A Presidencia informa que a esta iniciativa non se presentaron emendas, polo que, aberta a rolda de grupos parlamentarios, toma a palabra en primeiro lugar a **señora Castro Rey, Paloma (S)**, que xustifica o apoio do seu grupo parlamentario á proposición non de lei defendida

Nesta mesma rolda, e logo de abandonar o seu posto na Mesa, de acordo co disposto no artigo 82 do RPG, intervén por parte do **G.P. Popular de Galicia** o **señor Rodríguez Martínez, Roberto**, logo de matizar moitas das afirmacións realizadas pola voceira e polo voceiro que o precederon no uso da palabra, motiva o posicionamento do seu grupo en contra da proposta de referencia.

O **señor Tabarés Pérez-Piñeiro, Iago (BNG)**, fai uso da rolda de puntualización para incidir na importancia da iniciativa, logo de amosarse en desacordo con moitas das afirmacións realizadas polo voceiro do grupo maioritario.

Rematado o debate, a Presidencia procede á votación das proposicións non de lei, pola orde na que figuran na convocatoria:

1.1 17720 (11/PNC-001649), do G.P. do Bloque Nacionalista Galego. Sométese a votación o texto resolutivo orixinal. Resulta **rexeitado** por:

Votos a favor:..... **7** (G.P. BNG+S)

Votos en contra: **9** (G.P. P)

Abstencións: **0**

1.2 18442 (11/PNC-001696), do G.P. dos Socialistas de Galicia. Sométese a votación o texto resolutivo orixinal. Resulta **rexeitado** por:

Votos a favor:..... **7** (G.P. BNG+S)

Votos en contra: **9** (G.P. P)

Abstencións: **0**



1.3 19019 (11/PNC-001743), do G.P. Popular de Galicia. Sométese a votación o texto resolutivo orixinal coa engádegas da emenda do G.P. dos Socialistas de Galicia (núm. 20969). Resulta **aprobado** por:

Votos a favor 11 (G.P. P+S)

Votos en contra 0

Abstencións 5 (G.P. BNG)

O texto aprobado é o seguinte:

«O Parlamento galego insta a Xunta de Galicia para que o Instituto de Medicina Legal de Galicia asine convenios de colaboración coas escolas e facultades galegas que corresponda para poder recibir alumnos en prácticas.

O Parlamento de Galicia insta o Goberno galego a que continúe impulsando a formación especializada en materia de violencia de xénero, que asegure que o Instituto de Medicina Legal, na formación inicial e continua dos equipos psicosociais especializados que asisten aos xulgados, inclúan transversalmente a perspectiva de xénero, así como a capacidade para a identificación das violencias sexuais, e o establecemento da obrigatoriedade ou dos incentivos necesarios para o acceso á dita formación.»

1.4 19475 (11/PNC-001792), do G.P. do G.P. do Bloque Nacionalista Galego. Sométese a votación o texto resolutivo orixinal. Resulta **rexeitado** por:

Votos a favor:..... 7 (G.P. BNG+S)

Votos en contra: 9 (G.P. P)

Abstencións: 0

Ao remate do punto 1 da orde do día, incorpórase á sala a señora Rodil Fernández, Olalla e auséntase o señor Ruanova Vilas-Boas, Brais.

Punto 2.- Elaboración do Ditame, á vista do Informe da Ponencia, sobre o Proxecto de lei de servizos dos medios públicos de comunicación audiovisual de Galicia para a sociedade dixital (doc. núm. 15320, 12/PL-000006)
15320 (12/PL-000006)

Publicación do informe de Ponencia, BOPG n.º 162f3, do 26.02.2025

O presidente informa á Comisión que o debate, previo acordo das ponentes, desenvolverase do seguinte xeito:



- Unha primeira quenda de portavoces para posicionamento sobre o informe da Ponencia e/ou defensa das emendas presentadas, por un tempo de 10 minutos flexibles por grupo parlamentario.
- Unha segunda quenda para fixar posicións sobre as emendas dos demais grupos, por un tempo de 5 minutos flexibles por grupo parlamentario.
- E, por último, a votación.

Xa que logo, o presidente abre a rolda de grupos parlamentarios para posicionamento sobre o informe da Ponencia e/ ou defensa das emendas.

Toma a palabra en primeiro lugar polo **G.P. dos Socialistas de Galicia** a **señora Longueira Castro, Silvia**, para defender as emendas números 1 á 36 presentadas polo seu grupo. Fai referencia ao documento número de rexistro escrito 20852, polo que solicita un informe xurídico relativo á constitucionalidade do artigo 45 “Persoal de alta dirección e persoal directivo profesional”.

O presidente indícalle que a Mesa coñece o escrito e adoptará un acordo na próxima sesión da mesma. Asemade, sinala que o debate en Comisión continúa posto que o Informe da Ponencia xa está asinado e a señora deputada formaba parte da mesma en calidade de ponente titular.

Deseguido toma a palabra a **señora Rodil Fernández, Olalla (BNG)**, quen procede á defensa das emendas números 1 á 29.

Na mesma rolda a **señora Pomar Tojo, Carmen María (P)**, defende o Informe elaborado pola Ponencia.

Na rolda de posicionamento sobre as emendas dos demais, interveñen a **señora Longueira Castro, Silvia (S)**, para indicar que non acepta as propostas de transacción ao artigo 7 e á disposición adicional 1ª coas emendas 12 e 34 do seu Grupo. Asemade, insiste na dubidosa redacción do artigo 45 e a súa posible inconstitucionalidade por entender que incumpre o artigo 13 da normativa básica estatal do Estatuto dos empregados públicos para o nomeamento do persoal directivo público profesional e os artigos 58 e 60 da Lei 16/2010, galega de ordenación do sector público autonómico, a Lofaxca, que se aplica a sociedades públicas autonómicas, como a CRTVG, que esixe que exista unha convocatoria pública e selección conforme aos principios de igualdade, mérito e capacidade. A este respecto o presidente indícalle que se lle dará traslado do informe que elaboren os Servizos Xurídicos da Cámara.

Nesta mesma rolda de posicionamento toma a palabra a **señora Rodil Fernández, Olalla (BNG)**, para expresar a postura do seu grupo en contra do Informe elaborado pola Ponencia.

Na mesma rolda de posicionamento intervén de novo a **señora Pomar Tojo, Carmen María (P)**, para facer diversas consideracións de carácter xeral a respecto das anteriores intervencións e defender o texto elaborado pola Ponencia.

O presidente procede ao trámite de votación:

1. Votación das transaccións:

1.1. A transacción elaborada tomando como base as emendas do G.P. dos Socialistas de Galicia: número 4 ao artigo 4.1a), número 6 ao artigo 4.1dbis) e a número 16 ao artigo 10.2bis). Resultan **aprobadas** por:

. **Votos a favor** **11** (G.P. P+S)
. **Votos en contra** **0**
. **Abstencións** **5** (G.P. BNG)

2. Votación das emendas técnicas que recolle o texto articulado aos seguintes artigos, cuxa aceptación propón a Ponencia:

2.1 Artigo 19.5, artigo 28 g), artigo 41.5, Título da Disposición adicional segunda, Disposición derradeira terceira e a adecuación, se é o caso, da parte expositiva aos cambios aprobados no articulado do proxecto. Resultan **aprobadas pola unanimidade dos 16 deputados e deputadas con dereito a voto**.

3. Votación das emenda rexeitadas:

3.1 As restantes emendas do G.P. dos Socialistas de Galicia. Resultan **rexeitadas** por:

. **Votos a favor** **7** (G.P. S+BNG)
. **Votos en contra** **9** (G.P. P)
. **Abstencións** **0**

3.2 As emendas do G.P. do Bloque Nacionalista Galego. Resultan **rexeitadas** por:

. **Votos a favor** **5** (G.P. BNG)
. **Votos en contra** **9** (G.P. P)
. **Abstencións** **2** (G.P. S)

4. Votación do texto articulado proposto pola Ponencia no seu informe coa incorporación das transaccións aprobadas nesta Comisión. Resulta **aprobado** por:

. **Votos a favor** **9** (G.P. P)
. **Votos en contra** **7** (G.P. BNG+S)

. Abstencións 0

Ao rematarse o trámite da votación, a Presidencia lémbrales aos grupos parlamentarios que, segundo o artigo 119 do Regulamento da Cámara, dispoñen dun prazo de corenta e oito horas para o mantemento das emendas rexeitadas e para presentar votos particulares, se é o caso, que rematará o vindeiro sábado, día 3 de marzo, ás 14.00 horas.

Non habendo máis asuntos que tratar, a Presidencia levanta a sesión.

Remata a sesión ás 13:30 horas.

**Julio García
Comesaña**

Firmado digitalmente por Julio García
Comesaña
Nombre de reconocimiento (DN):
cn=Julio García Comesaña,
email=julio.garcia.comesana@parlame
ntodegalicia.es
Fecha: 2025.03.24 08:36:38 +01'00'

**Paloma
Castro Rey**

Firmado
digitalmente por
Paloma Castro Rey
Fecha: 2025.03.21
13:51:06 +01'00'

**Paloma Castro Rey
Secretaria da Comisión**